

## **AU-praktikkerfiusut pillugit suliffeqarfinni paasisutissat tulluartut**

Suliffeqarfiit, praktikkerfiorusullutik kissaateqartut, nalilersorneqaqqaassapput piumasaqaatinillu eqquutsitsillutik.

Taamaattumik isumatusaarneruvoq, saaffiginnissummut atatillugu suliffeqarfiup attavigineqartussamik, allaaserisatut piumasaqaatinik naammassiisumik, toqqaareersimanissaa (immikkoortup tulliani tamanna paasisaqarfigineruneqarsinnaavoq).

Kingorna inassutigineqarpoq, suliffeqarfiup taagorneqartut naatsumik nassuiaatissai piareersassagai: 1. attavigineqartartussap kinaassusaa, 2. praktikkertup suliassai kiisalu 3. praktikkertup nakkutigisassai. Paasisutissat taakku Niuernermik Ilinniarfiup naliliinissaminut siunissamilu praktikkerfiulersussatut akuersinissaminut atorfissaqartissavai.

### **Praktikkerfissamut piumasaqaatit**

#### **Attaveqaat**

Akuersarneqarsinnaavoq, suliffeqarfittut praktikkertumut attaveqaatit makku eqquutsinneqarpata:

- ilinniagaqarsimaneq assingusumik ukiunilu ilalilli suliffigisimasatut misilittagalik **imaluunniit**
- ilinniagarisimasap qaffasissusaanut assingusooq imaluunniit praktikkertup ilinniagaanik suli qaffasinnerusumik ilinniagaqarsimasooq, kisalu ukiunilu ilalilli suliffigisimasatut misilittagalik
- qulaani taakkartukkat immikkut akuerineqarsinnaapput, attaveqaammik praktikkertumut ikiuisooq ukiorpassuarni suliffimmik misilittagaqartuuppat, praktikkertup ilinniarusutaata iluani suliaqartumik.

#### **Suliassat sammisallu**

Praktikkertoq periarfissinneqassaaq sulinissaminut:

- suliati naleqquttut aamma/imaluunniit praktikkertup ilinniagaaq malillugu suliassat
- sammisat assigiinngitsut, ilinniakkamut praktikkertup ilinnigaanunut naleqquttut
- immikkoortortaqarfiit assigiinngitsut, ilinniarnermut sulianullu naleqquttut

#### **Ilinniarnermi ilaanissamut piffissaq**

- Atuarnerit nalaanni periarfissaqassaaq, ilinniagaqartup suliffeqarfimmiit suliassanik nassataqartarnissaa, suliffeqarfinniitillunilu taamattaq ilinniagaqartoq suliaqarsinnaatitaassaaq atuagarsornermini suliassaminik.

### **Najuqqutassaq**

#### **Praktikkernermut pilersaarut**

- Praktikkernermut immikkut praktikkernerup pilersaarutaanik piareersaasoqassaaq. Pilersaarutip uppersassavaa suna, qaqugu qanorlu praktikkertup immikkoortortaqarfiit suliassallu assigiinngitsut ingerlavigissanerai. Praktikkertumut iluaqutaassaaq ingerlatassamut peqataanineqaruni. Praktikkernerup ingerlanissaaq ataavartumik praktikkertumik oqalliserineqassaaq aqqissuunneqarlunilu.

#### **Ingerlanerup nalunaarsuivia**

- Praktikkertup ingerlanerup nalunaarsuivianut sapaatip akunnera aallaavigalugu ingerlanerup nalunaarsuivianut allattugaqartassaaq, suliassat sorliit, sammisat kiisalu suliati aatsaat misilitat, sapaatip akunnerata ingerlanerani suliarisimasat pillugit.

#### **Inuit pingasut illuatungeriillutik ataatsimiinneri**

- Praktikkernerup pinnerisa tamarmik nalingini pisarnissaaq anguniagaavoq
- Ingerlanerup nalunaarsuivia praktikkernerullu pilersarusiornera tunngaviliissaaq inuit pingasut illuatungeriillutik ataatsimiinnerinut. Ataatsimiinnernut ilaasussapput: Praktikkertoq,

praktikkertumut attavusartooq, Niuernermik Ilinniarfimmiit aallartitaq (ilinniartitsisoq, ilinniartitsisoq attaveqaataasartooq imaluunniit ilinniarnermut ataqatigiissaarisooq). Suliffeqarfimmiit naleqquttut allat, soorlu Sulisoqarnermik immikkoortortaqaarfimmiit sinniisuutit

- Inuit pingasut illuatungeriillutik ataatsimiinnerat praktikkertup aqqissuutissavaa ataatsimiissimanerlu eqikkaaffigalugu.

### **Praktikkernerup nalaani ilinniartuuneq**

Kissaataavoq, praktikkertooq praktikkernerup nalaani piffissaqartitaassooq suliaakkiissutaasumik allakkiornissaminut, kattuussamik suliamut kiisalu atuarsimasassat atuarnissaannut. Pingaartumik soraarummeerutissamik suliaqarnerup annertuup tungaanut, praktikkertup ilinniakkaminik naammassiinginnerani. Suliat nukingernartut piffissaqartitsinermut apeqqutaassapput kiisalu ilinniagaqartup naatsorsuutigissavaa, sulinerup avataani ilinniagassanik annertuumik sammisaqarnissi.

### **Praktikkertunik atorfinitsitsineq ilinniagarlu pillugu paasissutissat allat**

#### **Ilinniakkamik naammassinninneq**

Ilinniagaq nalinginnaasumik ukiunik marlunnik sivisussuseqarpoq

Immikkoortukkaat tamarmik anguneqarsimassapput, ilinniagaqartup soraarummeerutissani, naggataarusamik soraarummeerutitut suliani, soraarummeerutigittinnagu. Tassunga atuuppoq, erhvervsøkonomi, afsætningsstrategi kiisalu logistik, taakkuupput ilinniakkat pingaarnert, Økonomi-aamma Ressourcestyringslinia, International Handel aamma Markedsførings-linia aamma International Transport aamma Logistik-liniami, taakkulu ilinniutigineqartarput ilinniartuunerup ukiuisa siullianni, anguneqarsimassallutillu, ilinniagaqartooq ilinniarnerup ukiuisa aappasaanut ingerlaqqinnginnermini. Tamassuma tunggavigaa, taakkua immikkoortukkaanut, ukiup aapaani ilinniarneqartumi isissutaasussaagamik. Ilinniagaqartooq ilinniakkaminut annerpaamik pingasoriarluni soraarummeersinnaavoq, kiisalu ilinniakkani ukiut tallimat iluanni naammassereersimasussaallugu.

#### **Atorfinitsitsineq**

Suliffeqarfiup maannakkut sulisumi arlaannik pikkorissaanerminut atasumik ilinniakkap atornissaa toqqarsinnaavaa, imaluunniit sulisunik nutaanik avataaneersunik pissarsiorneq pisinaavoq.

Suliffeqarfik, sulisunik nutaanik pissarsiunnginnermini, Akadermiuddannelsimut ilinniagaqartussatut neqeroorfiginiakkaminik, Niuernermik Ilinniarfimmut akuersissummik qinnuteqaqqaartariaqarpoq. Ilinniarfik taassuma saniatigut ikiuisinnaavoq maannakkut NI-1-mik ilinniagaqartunik, ilinniakkat naleqquttut iluanni ilinniarnertuunngorniarfimmi naammaqutissamik ilinniagaqarsimasunik, attaveqarnissamut.

#### **Qinnuteqartup pignnasaanit piumasaqaatit**

Qinnuteqartooq (praktikkertooq) attuumassuteqartumik isissutaasussamik ilinnigaqartuussaaq, minnerpaamik attuumassuteqartumik inuutissarsiuutiginiarlugu ilinniakkamik qaffasissusilik, attuumassuteqartumik inersimasunut tunggaviumik ilinniagaq (GVU), imaluunniit ilinniarnertuutut ilinniarmaneq. Atuarfiup ilinniarlartut qinnuteqartut attuumassuteqartumik isissutaasussamik ilinniagaqarsimanngitsut, taamaakkaluartorlu ilinniagaqarnerup tungaani piumasaqaatit, naliliinermi tassunga assersuunneqarsinnaasutut nalilersorneqarsimasut, tigusinnaavai.

#### **Atorfinitsitsinermi ilinniakkamillu aallartinnermi periuseq**

1. Niuernermik Ilinniarfimmi sulisitsisoq akuerseqqaarnissamik qinnuteqassaaq

2. Sulititsisoq ilinniagaqartoq suleqatigalugu Namminersornerullutik Oqartussani praktikkertut isumaqatigiissutaannik immersuissapput (ilinniartuuteqarnermi isumaqatigiissut atsiuqaq) kingusinnerpaamik 1. juni.
3. Ilinniagaqartoq praktikkerfissamini aallartissaaq 1. august, ilinniagaqarnerullu ingerlavigissavaa 1. august 2018 – 31. juli 2020.
4. Atuargarsornerup siulliup kinguninngua, tassa septemberip qeqqani, sullivik ilinniagaqartorlu akunnerminni suleqatigiillutik praktikkerfissamut pilersaarummik suliaqassapput. Pilersaarutip taassuma qulakkiissavaa, ilinniagaqartup sulliviup iluani niqueqattaartinneqarnissaa.
5. Ingerlanerup nalunaarsuivianut ilinniagaqartoq sapaatip akunnikkaartumik allattugaqartassaaq. Allattuiffik atorneqassaaq praktikkerfimmii, NI-miit kiisalu inuit pingasut illuatungeriillutik oqaloqatigiinnissaannut.

### **Akissarsiat atorfininnermullu atugassarititaasut**

Qaffasinnerusumik ilisimatusarnermi ilinniagaqartunut Namminersornerullutik Oqartussat, TELE Greenland A/S, A/S Boligselskabet INI kiisalu nunatta kommuniisa ataanni akissarsiat atorfininnermullu atugassarititaasut Nulunaarutit malittarisassaanni malittarisassiuunneqarsimapput. Saniatigutaaq Kalaallit Nunaanni Sulisitsisut Peqatigiiffiat assingusunik najoqqutassanik, ilaasortaminnut attuuttunik, allakkiorsimavoq.

Qaffasinnerusumik ilisimatusartut suliffinni allani qulaani taakkartukkaniit ajornerusumik atugassaqlutik atorfinitsitaasariaqanngillat.

Ulluni atuarfiusuni ilinniartoq ilinniartuunersiuteqarsinnaavoq, ilinniartoq atuarnermi nalaani sulititsisumini akissarsiaqartitaanngikkuni. Ilinniartuuteqarnermut isumaqatigiissutitut atsiornermut atasumik tamanna isumaqatigiissutaassaaq.

Ilinniartup piffissani atuannigfigisaani praktikkerisut isigineqassapput.

Ilisimatusarnermik ilinniagaqartunut sulinngiffeqarnermi inatsit atuuppoq.

### **Ineqarnek angalanerillu**

Praktikkernerup nalaani ilinniagaqartoq nammineq illoqarfigisamini, ineqarnissami qulakkeernissaa akisussaaffigissavaa.

Praktikkernerup nalaani ilinniagaqartoq illoqarfimmi allamiikkuni, ilinniagaqartoq pisinnaatitaavoq ineqartitaanissaminut angalatitaanissaminullu, illoqarfigisami praktikkerfissamik nassaarnissap periarfissaasimanninneranik, Niuernermik Ilinniarfimmi ilinniarneq pillugu ilitersuisumit, nalunaajaammik peqartoqanngippat.

Atuarnerup nalaani ilinniagaqartoq illoqarfimmi ilinniarfimmini aalajangersimasumik najugaqartuunngikkuni, ineqartitaanissaminut angalatinneqarnissaminullu pisinnaatitaavoq. Taamaakkaluartoq ilinniagaqartoq pinerit tamaasa inissaminik qinnuteqassaaq. Paasissutissat KAF-p nittartagaani takuneqarsinnaapput: [www.kaf.gl.mail](http://www.kaf.gl.mail)

Suliffeqarfiit praktikkerfissaminnik eqqarsaateqartut kissaateqartulluunniit, piumasaqaatit atugassarititaasullu, praktikkerfissatut neqeroortunut atuuttut, uani paasisaqarfiginerusinnaavaat.

Suliffeqarfiuguit, arlalinnik praktikkerfissaminnik atorfinitsitsinissamut kissaateqartoq, taava piumasaqaatit atuuttut, pillugit uani atuarsinnaavatit.